

17-11-12/21

Ugovorni organ **Javna ustanova Opća bolnica „Prim. dr. Abdulah Nakaš“**, ul. Kranjčevićeva broj 12, Sarajevo, koju zastupa v.d. direktor **Prof. dr. Ismet Gavrankapetanović** (u daljem tekstu: **Naručilac**)

NEDAX d.o.o. Sarajevo, ulica Triglavska broj 12, 71000 Sarajevo, ID broj 4200342890001, transakcijski račun broj 3389002207462184 otvoren kod UniCredit Bank d.d. Sarajevo, koga zastupa **direktor Ermin Delija** (u daljem tekstu: **Dobavljač**)

sklopili su sljedeći

OKVIRNI SPORAZUM ZA NABAVKU USLUGA PREVENTIVNOG I INTERVENTNOG ODRŽAVANJA OPREME ZA FIZIKALNU MEDICINU PROIZVOĐAČA ENRAF NONIUS

UVODNE ODREDBE

Član 1.

Na osnovu provedenog konkurentskog zahtjeva, broj nabavke JN-8/21, s namjerom sklapanja Okvirnog sporazuma za nabavku usluga preventivnog i interventnog održavanja opreme za fizikalnu medicinu proizvođača ENRAF NONIUS u trajanju od 2 (dvije) godine, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je kao najpovoljniju ponudu, u skladu sa postavljenim kriterijem za dodjelu okvirnog sporazuma, odabrao ponudu ponuđača **NEDAX d.o.o. Sarajevo** od 11.03.2021. godine.

Obrazac za cijenu ponude sa jediničnim cijenama odabranog ponuđača je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za nabavku usluga preventivnog i interventnog održavanja opreme za fizikalnu medicinu proizvođača ENRAF NONIUS (u daljem tekstu: pojedinačni ugovori) između **Naručioca** ili **Dobavljača**.

Količine navedene u Obrascu za cijenu ponude iz člana 1. stav 2. ovog Okvirnog sporazuma su okvirne i zavisiće o raspoloživim finansijskim sredstvima i potrebama **Naručioca**.

Dobavljač se obavezuje da će vršiti usluge u skladu sa tenderskom dokumentacijom, narudžbenicom od strane **Naručioca** i svojom ponudom.

Član 3.

Okvirni sporazum se zaključuje na period od 2 (dvije) godine.

Na zahtjev Naručioca, Dobavljač će sa istim zaključiti ugovor i izvršiti usluge, pod uslovima određenim ovim Okvirnim sporazumom do njegovog isteka.

SKLAPANJE UGOVORA NA OSNOVU OKVIRNOG SPORAZUMA

Član 4.

Kada se utvrdi potreba za vršenjem predmetnih usluga, sačinjava se specifikacija i spisak usluga sa potrebnim količinama na osnovu koje se izrađuje Ugovor po okvirnom sporazumu za konkretnu nabavku.

Odsjek za javne nabavke sačinjava Ugovor u skladu sa odredbama okvirnog sporazuma, tenderske dokumentacije i ponude, te poziva ovlaštenog predstavnika ponuđača da izvrši potpis ugovora.

Nakon obostranog potpisa ugovora dva primjerka se dostavljaju ponuđaču, a dva se zadržavaju kod ugovornog organa.

U slučaju povrede ugovornih obaveza nastalih potpisivanjem Ugovora u okviru Okvirnog sporazuma, Naručilac može raskinuti ugovorni odnos pisanim putem ili na drugi dokaziv način.

ROK IZVRŠENJA USLUGA

Član 5.

Usluge će se vršiti tokom trajanja Okvirnog sporazuma u skladu sa potrebama ugovornog organa u obimu koje će se odrediti prilikom svake usluge.

Rok za izvršenje usluge je do 3 (tri) sata po pozivu Naručioca, odnosno u dogovoru sa Naručiocem.

MJESTO IZVRŠENJA USLUGE

Član 6.

Usluge koje su predmet nabavke će se vršiti u Javnoj ustanovi Opća bolnica "Prim. dr. Abdulah Nakaš", Kranjčevićeva broj 12, Sarajevo.

CIJENA

Član 7.

Ukupna vrijednost Okvirnog sporazuma iznosi:

Na godišnjem nivou:

- Cijena bez PDV-a: 14.921,00 KM;
- Porez na dodanu vrijednost (PDV 17%) = 2.536,57 KM;
- UKUPNA VRIJEDNOST / CIJENA sa PDV-om = 17.457,57 KM
(slovima: sedamnaesthiljadačetiristotinepedesetsedam i 57/100 KM).

Na dvogodišnjem nivou:

- Cijena bez PDV-a: 29.842,00 KM;
- Porez na dodanu vrijednost (PDV 17%) = 5.073,14 KM;
- UKUPNA VRIJEDNOST / CIJENA sa PDV-om = 34.915,14 KM
(slovima: tridesetčetirihiljadedeveštotinapetnaest i 14/100 KM).

Efektivni norama sat:

- Cijena bez PDV-a: 65,00 KM;
- Porez na dodanu vrijednost (PDV 17%) = 11,05 KM;
- UKUPNA VRIJEDNOST / CIJENA sa PDV-om = 76,05 KM
(slovima: sedamdesetšest i 05/100 KM).

Jediniče cijene su nepromjenjive tokom primjene Okvirnog sporazuma i utvrđivat će se na način opisan u tenderskoj dokumentaciji za ovu nabavku.

Svi ostali uslovi zaključenog Okvirnog sporazuma su također nepromjenjivi tokom njegove primjene.

ROK PLAĆANJA

Član 8.

Naručilac je dužan obaveze po računima platiti Dobavljaču uplatom na njegov žiro račun, u roku 30 (trideset) dana od dana ispostavljanja računa za stvarno izvršenu uslugu.

POVREDE UGOVORNIH OBAVEZA

Član 9.

U slučaju prekoračenja roka izvršenja usluge iz člana 5. ovog Okvirnog sporazuma Naručilac ima pravo raskinuti Okvirni sporazum uz naplatu kazne radi pretrpljene štete zbog kašnjenja izvršenja usluga i kršenja ugovornih obaveza od strane Dobavljača.

Ugovorna kazna u visini od 1% vrijednosti okvirnog sporazuma, naplatit će se u slučajevima:

- Servisiranja neugovorene opreme,
- Neotklanjanja nedostatka odmah nakon zaprimanja obavijesti i
- Povrede drugih obaveza preuzetih okvirnim sporazumom.

GARANCIJA ZA UREDNO IZVRŠENJE OKVIRNOG SPORAZUMA

Član 10.

Dobavljač je, u smislu osiguranja izvršenja obaveza po ovom okvirnom sporazumu, obavezan naručiocu dostaviti sljedeće bezuslovne originalne bankarske garancije (prema formi / obrascu utvrđenom od strane naručioca):

- garanciju za uredno izvršenje okvirnog sporazuma / dobro izvršenje posla u iznosu 10 % ukupne vrijednosti Okvirnog sporazuma sa uračunatim PDV-om, sa rokom važnosti garancije: rok izvršenja usluga + 30 dana;

Dobavljač će garanciju iz prethodnog stava dostaviti u roku od 10 dana od dana zaključivanja ovog okvirnog sporazuma / obostranog potpisivanja ovog okvirnog sporazuma.

Garancija za uredno izvršenje okvirnog sporazuma dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje okvirnog sporazuma nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum će se smatrati apsolutno ništavim.

OSTALE ODREDBE

Član 11.

U slučaju eventualnog spora proisteklog iz ovog Okvirnog sporazuma, strane će isti nastojati riješiti dogovorom, a u protivnom putem nadležnog suda u Sarajevu.

Ovaj Okvirni sporazum stupa na snagu danom potpisivanja obje sporazumne strane.

Član 12.

Ovaj Okvirni sporazum sastavljen je u 4 (četiri) istovjetna primjerka, od kojih 2 (dva) primjerka zadržava Dobavljač, a 2 (dva) primjerka Naručilac.

PRIPREMILA:

Amira Petrović, BA općeg prava, šef Odsjeka za javne nabavke

KONTROLISALA:

Amela Smajić-Džaferagić, BA općeg prava, šef Odjeljenja za zajedničke poslove

Amira Petrović

Dobavljač
NEDAX d.o.o. Sarajevo

DIREKTOR

[Signature]
Ermin Delija



Broj 0331/21
Sarajevo, 31.03.2021 godine

Naručilac
Javna ustanova Opća bolnica
„Prim. dr. Abdulah Nakaš“
V.D. DIREKTOR

[Signature]
Prof. dr. Ismet Gavrankapetanović



Broj: 1711-12/21
Sarajevo, 17.03.2021. godine